



# Inuussutissarsiornermut Aatsitassanullu Ataatsimiititaliap ataatsimeeqatiginera

Naaja H. Nathanielsen, Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu

Naalakkersuisoq





# Pisinnaatitsissummik pigisaqartutut ingerlatseqatigiiffimmik piginnittuunermut tunngasuni pissutsinut tunngaviusut

## 1. Piffissami 24. april - 5 juni tusarniaanermut akissuteqaatit

- Kommune Qeqertalik, AECO, Guide to Greenland ApS, Hotel SØMA aamma Indenlandsk Sømandsmission, Trophy Hunting Greenland, Arctic Dream ApS, Hotel Nordbo A/S sinnerlugu Kielberg Advokater, Grønlands Revision, Ilulissat Guesthouse aamma Ilulissat Adventure, Topas Explorer Group, Albatros Arctic Circle ApS, Innovation South Greenland A/S, Greenland Airports, Sulisitsisut, Nuna Eqqartuussissuserisut, Travel by Heart ApS aamma Taavani ApS, Sermilik Adventures ApS, Tasiilaq Tours (Visit East Greenland), Arctic Circle Business, Arctic Hiking and Expeditions ApS, GrønlandsBANKEN, Nalik ventures, Nomad Greenland, Hotel Hans Egede A/S, SIK aamma Visit Greenland siunnersuummi najugaqarnermut piumasaqaatit aalajangersarneqartut isumanerluuteqarfigalugit oqaatigaat.
- Pingaartumik ingerlatseqatigiiffiup minnerpaamik 2/3-iata inunnit ataasiakkaanit Kalaallit Nunaanni inuit nalunaarsorsimaffiat malillugu najugaqartunit aammalu Kalaallit Nunaannut tamakkiisumik akileraartussaataasunit toqqaannartumik imaluunniit toqqaannangitsumik pigineqarnissaat pillugu siunnersuummi piumasaqaammut pingaartumik isumanerluuteqarneq oqaatigineqarpoq.
- Tusarniaaffigineqartunit matuma siuliani taaneqartunit isumaqarput, tamatuma aningaasaliisartunit nunanit allaneersunit aningaasassanik pisariaqartunik pissarsisinnaaneq tamatuma killilertussaagaa. Aammattaaq 48-t taakkua oqaatigaat, suliaqartussat maannakkut ingerlatsisut taamatut amerlassuseqartillugit suliaqarnissap ingerlanneqarsinnaangilluinnarneranik piumasaqaat malitseqartussaasoq, aammalu piumasaqaatip sullivinnik annasaqarnermik malitseqarnissaa naatsorsuutigineqartariaqartoq.
- Najugaqarnermut piumasaqaatip pinngitsaaliisummik piginnikkunnaarsitsinertut iluseqarnera ernumassutigalugu oqaatigineqarpoq, tassami piginnittooreersut niuerfimmi nalikinnerusumut piginnittuunermik ilaanik tamakkerluguluunniit piginnittuujunnaarnissamik pinngitsaalineqartussangussammata, taamaalillutillu annertuunik annasaqartussangussallutik.
- Tusarniaanermut akissuteqaatit tiguneqartut aammalu oqaloqatigiilluni ataatsimiinnerit tunngavigalugit aalajangersagaq iluarsineqarpoq, taamaalilluni piginnittut 2/3-iisa Kalaallit Nunaanni inuit nalunaarsorsimaffiat malillugu najugaqarnissaat piumasaqaataajunnaarluni. Tamatumunnga taarsiullugu 51%-imik minnerpaaffissaliilluni piumasaqaat taanna aalajangersarneqarpoq



# Pisinnaatitsissummik pigisaqartutut ingerlatseqatigiiffimr piginnittuunermut tunngasuni pissutsinut tunngaviusut

## 2. Piffissami 2. juli - 16. juli tusarniaanermut akissuteqaatit

- Piginnittuuneq pillugu tusarniaanermut akissuteqaatit 7-it.
- Arctic Circle Business, SIK, Avannaata Kommunia tamarmik affaa sinnerlugu piginnittuunissaq pillugu akuersaartumik oqariartuuteqarput.
- Danmarks Rejsebureau Forening, GrønlandsBANKEN, Sikuki Nuuk Harbour A/S aamma Ineqarnermut Attaveqaasersuutinullu Naalakkersuisoqarfik sulii isumaqarput tamatumani najukkami piginnittuunissaq pillugu piumasaqaammi pisariaqartunik aningaasaliisussarsiniartarnerup ajornartorsiutitaqarneranik tamanna malitseqarsinnaassasoq.



Najukkami piginnittuunerup annertunerpaamiitinnissaa pillugu ataatsimiititaliap kissaateqarnera Naalakkersuisut isumaqatigaat.

Naalakkersuisut inatsisissatut siunnersuutaat, 2/3-mik piginnittuunissaq pillugu piumasaqaatip suliaqartuusunit isumanerluuteqarfigineqarneranut tunngatillugu naaperiaaneruvoq.



# Ataatsimiititaliap inassuteqaataanik naammassinninnermi unammilligassat

Ullumikkut piginnittuunermi CVR-inut nalunaarsuiffik aallaavigineqarpoq aammalu kikkut tamarmik inatsisit naapertorlugit assigiimmik pineqarput. Suliaqarnermi tamanna isumaqarpoq, suliffeqarfiit tamarmik suliassaminnut/ingerlataminnut tunngatillugu killilersugaanngitsumik suliaqarsinnaasut

Tamatuma sunniutigaa, illoqarfiit imaluunniit kommunit killeqarfii malillugit piginnittuunermut piumasaqaammik nunami sumiiffinni killilersuisoqarsinnaannginnera

Piginnittup sumi najugaqarnera kisiat apeqqutaatillugu suliffeqarfinnut piumasaqaatinik assigiinngitsunik pilersitsisoqassappat, sumi pilersitsinissaq orniginarnerunersoq, aningaasannanniarnissamik eqqarsaateqartoqartalerneranik, tamanna malitseqarsinnaavoq.

Tamanna kommunini ataasiakkaani akileraarutinit isertitanik annaasaqarnermik malitseqarsinnaavoq.



# Naalakkersuisut qinnuiginninnera

Maleruagassat assigiissaartuunissaat pingaaruteqarpoq. Assigiissaartuunerat assersuutigalugu tassaasinnaapput:

- Tamakkiisumik kalaallinik piginnittoqarneq
- 2/3-mik kalaallinik piginnittoqarneq
- 50% sinnerlugu kalaallinik piginnittoqarneq

Naalakkersuisut aamma piumasaqaatit aalajangersimasut arlallit naammassisinnaassavaat;

- najukkaniittut piginnittuunerannut inatsisip inaarutaasup sunniutissaannik naliliinissaq pillugu piumasaqaat
- pisortat inuussutissarsiornerup siuarsarneqarneranut aningaasaliissutaat pingaarnertut suliniutinut, inoqarfinni minnerusuni sullivissanik pilersitsisussanut, siunnerfeqartinneqarnissaat pillugu piumasaqaat.
- Neqeroortitsinermut inatsit pillugu allangortitsinerit imaluunniit sukaterinerit
- Allat